

## Tus Neeg Koom Nrog Kev Sim Daim Ntawv Teev Npe Cov Kev Muaj Cai

Txhua tus neeg uas tau thov los koom nrog qhov kev tshawb fawb tshawb nrhiav muaj cai uas yuav:

1. Tau txais kev ceeb toom qhia txog tus yam ntxwv thiab lub hom phiaj ntawm qhov kev tshawb fawb.
2. Tau txais qhov kev piav qhia txog cov txheej txheem uas yuav tau ua raws nyob rau hauv qhov kev tshawb fawb tshawb nrhiav, thiab seb tej tshuaj kho mob, cuab yeej, los sis cov txheej txheem puas txawv li tej yam uas yuav raug siv nyob rau hauv kev coj ua raws li tus qauv cai.
3. Tau txais qhov kev piav qhia txog tej kev fab tshuaj, cov kev tsis xis nyob, los sis cov kev pheed hmoo uas koj xav tias yuav tshwm sim nyob rau ncuaj sij hawm ua kev tshawb fawb yam uas muaj zoo laj thawj.
4. Tau txais kev ceeb toom qhia txog tej cov txiaj ntsig uas vam tias yuav muaj los ntawm qhov kev koom nrog qhov kev tshawb fawb yam uas muaj zoo laj thawj, yog tias muaj.
5. Tau txais kev ceeb toom qhia txog lwm cov txheej txheem, cov tshuaj kho mob, los sis cov cuab yeej uas tej zaum yuav muaj kev pab tau zoo, thiab lawv cov kev pheed hmoo thiab cov txiaj ntsig thaum muab sib piv nrog rau cov txheej txheem, cov tshuaj kho mob los sis cov cuab yeej uas tau qhua thov.
6. Tau txais kev qhia txog cov hom kev kho mob uas muaj, yog tias muaj, yog tias tshwm sim muaj cov mob uas cuam tshuam nrog.
7. Tau txais lub hwv tsam los nug tej cov lus nug uas cuam tshuam rau qhov kev tshawb fawb tshawb nrhiav nyob rau ncuaj sij hawm ua ntej muab kev pom zoo koom nrog thiab thaum twg los tau ncuaj sij hawm ua qhov kev tshawb fawb tib si.
8. Tau txais kev ceeb toom qhia tias cov neeg tuaj yeem tsis kam koom nrog qhov kev tshawb fawb tshawb nrhiav tau. Kev koom nrog yog kev uas yus yeem yus. Cov neeg koom nrog kev tshawb nrhiav tej zaum yuav tuaj yeem tsis kam teb tej nqe lus nug twg los sis tso tseg lawv li kev koom nrog thaum twg los tau yam uas tsis muaj kev raug nplua los sis plam cov txiaj ntsig uas tej zaum lawv yuav muaj cai tau txais yog tias tsis yog li ntawd. Lawv qhov kev txiaj txim siab yuav tsis muaj feem cuam tshuam tsis zoo rau lawv li kev muaj cai tau txais qhov kev saib xyuas uas lawv yuav tau txais yog tias lawv tsis nyob rau hauv qhov kev sim.
9. Tau txais daim ntawv theej tawm ntawm daim foos kev pom zoo uas sau ua ntaub ua ntawv uas tau kos npe thiab rau hnuv tim thiab daim ntawv theej tawm ntawm daim foos no.
10. Tau txais lub hwv tsam los ua kev txiaj txim yam uas muaj kev ywj pheed tias seb yuav pom zoo los sis tsis pom zoo rau qhov kev tshawb fawb tshawb nrhiav yam uas tsis muaj kev yuam, kev quab yuam, los sis kev cuam tshuam uas tsis tsim nyog dab tsi.

-----  
Yog tias koj muaj kev txhawj xeeb los sis lus nug dab tsi cuam tshuam txog qhov kev tshawb fawb tshawb nrhiav ces txuas lus rau cov kws tshawb nrhiav uas tau teev npe tseg rau saum hau ntawm daim foos kev pom zoo.

Yog tias koj tsis tuaj yeem txuas lus tau rau ib tug tswv cuab ntawm pab pawg neeg ua hauj lwm tshawb nrhiav thiab muaj lus nug raws li ncuaj dav, los sis koj muaj cov kev txhawj xeeb los sis cov kev tsis txaus

siab txog qhov kev tshawb fawb tshawb nrhiav, pab pawg neeg ua hauj lwm tshawb nrhiav, los sis cov lus nug hais txog koj cov kev muaj cai tam li yog tus neeg koom nrog kev tshawb nrhiav, ces thov txuas lus rau:

- UC San Diego Office of IRB Administration ntawm [irb@ucsd.edu](mailto:irb@ucsd.edu) los sis 858-246-4777